

憲元年一月十日 星期一 第五號

政事堂印鑄局發行

北京東長安牌樓王府井大街  
電話東局二百零一號

# 政

多

統事辦事處

# 公報

### 本報價目

- 一 本報按照陽曆每日出報一號
- 一 定購三月者收回大洋二元三毛
- 一 定購長年者收回大洋八元
- 一 外埠購報每半年加郵費一元
- 一 如延報夫役私自加價請告知本局以便查究是為至要
- 一 定購一月者收回大洋八毛
- 一 定購半年者收回大洋四元五毛
- 一 零售每號銅元五枚以本日為限
- 一 裝訂每月收回大洋一毛五分不裝訂者聽

目錄

命令

奏摺

國務卿奏據銓叙局詳稱會辦川東籌賑事宜

李洪陽等應否免覲或緩覲請示遵摺

國務卿奏據銓叙局詳稱安徽高等審判廳廳

長張志等擬請免覲摺

政事堂禮制館奏本館辦事人員成績昭著擬

請擇尤給獎以示策勵摺(附單)

外交部奏請添制二等嘉禾勳章以宏榮典摺

內務部奏新簡陝西漢中道道尹程建釗請假

清理經手事件摺

內務部奏甘肅渭川道尹公署科員向癸被匪

賊害殉職照章擬卹摺

財政部奏曾任簡任薦任實職及薦任待遇相

當人員王教銘等勞績卓著擬請分別叙官

請單祈示摺

陸軍部奏請將王祖聖池春芳補授陸軍實官

摺

陸軍部奏遵將剿辦匪匪出力各員張榮等補

授實官請示摺(附單)

陸軍部奏連長鄭蓋臣攜餉潛逃請予先行褫

革實官摺

陸軍部奏海州鎮守使擬請定為簡缺摺

海軍部奏請將海軍所屬各機關及艦隊在職

各員擇尤獎勵摺(附單二件)

海軍部奏收回肇和軍艦出力士兵李存務等

請給勳獎各章摺(附單)

蒙藏院奏蒙古王公呼圖克圖等因病不克來

京值班據情代請賞假摺

蒙藏院奏年班來京各王公呼圖克圖新年前

不及帶覲應請於元旦日准予一律隨同覲

賀摺

蒙藏院奏遵擬阿爾泰屬扎哈沁北部部落爾

根廟廟名恭候圈定摺

辦理國民會議

籌備國民代表大會 事務局局長顧益奏辦理選

舉電文繁蹟請將京外電局在事出力人員

分別請獎摺

鎮安上將軍督理奉天軍務段芝貴奏授案請

將曾授軍官之程昌恆改叙文官摺

貴州巡按使龍建章  
貴州護軍使劉顯世

奏前清武員邢連科闖門殉  
難籲懇宣付清史館立傳繕摺請示摺

貴州巡按使龍建章奏綏陽縣知事增治疏脫  
囚犯請付懲戒摺

飭

外交部飭七則

公電

大名王鎮守使致雲南電

奉天段芝貴來電

南昌李純來電

吉林孟將軍等致雲南電

煙台聶憲藩致雲南電

遼源州吳俊陞致雲南電

太原金巡按使致雲南電

歸化潘矩楹來電

濟南靳雲鵬來電

蚌埠倪嗣冲來電

武昌王占元等來電

南寧陸榮廷來電

南寧陸上將軍王巡按使致雲南電

廣東龍濟光等來電

濟南張樹元來電

上海楊善德盧永祥來電

武昌王師長金鏡來電

西安陸將軍呂巡按使致雲南電

張家口張懷芝致雲南電

太原閻錫山來電

南京馮國璋齊耀琳來電

福州許巡按使李護軍使致雲南電

長沙湯蘇銘來電

成都陳宦來電

岳州曹錕來電

清江浦劉詢來電


貴陽劉顯世來電

荊州石星川來電

杭州屈巡按使致雲南電

開平范書田致雲南電

廣告



奉命令

政事堂奉

策令金兆蕃給予三等嘉禾章此令

政事堂印

洪憲元年一月九日

國務卿陸徵祥

政事堂奉

策令徐廷爵給予三等嘉禾章俞人鳳沈琪成志精均給予四等嘉禾章此令

政事堂印

洪憲元年一月九日

國務卿陸徵祥

政事堂奉

策令漢口郵務長包爾給予四等文虎章此令

政事堂印

洪憲元年一月九日

國務卿陸徵祥

政事堂奉

策令趙樹勛左鴻啟均給予四等文虎章此令

政事堂印

洪憲元年一月九日

國務卿陸徵祥

政事堂奉

策令財政總長兼鹽務署督辦周學熙奏請將本部次長兼鹽務署署長龔心湛進叙一等應照准此令

政事堂印

洪憲元年一月九日

國務卿陸徵祥

政事堂奉

策令任命吳敬修為肅政史此令

政事堂印

洪憲元年一月九日

國務卿陸徵祥

政事堂奉

策令陸軍部奏請將洪士俊授為陸軍步兵中校應照准此令

政事堂印

洪憲元年一月九日

國務卿陸徵祥

政事堂奉

策令洪士俊加陸軍步兵上校銜此令

政事堂印

洪憲元年一月九日

國務卿陸徵祥

政事堂奉

策令參謀本部奏請任命王烈為鎮安右將軍行署參謀王士濟為貴州護軍使署參謀應照准此令

政事堂印

洪憲元年一月九日

國務卿陸徵祥

政事堂奉

申令文官高等懲戒委員會奏議決前吉林巡按使孟憲彝被劾挾妓賭博一案依照文官懲戒法應受褫職奪官處分非滿六年不得開復等語孟憲彝著准照所議即行褫職奪官以

示懲儆交內務部查照此令

政事堂印

洪憲元年一月九日

國務卿陸徵祥

政事堂奉

申令文官高等懲戒委員會奏議決廣東巡按使龍觀光奏劾前署儋縣知事高銘恩前署海康縣知事張祖栻疏脫獄囚一案依照知事懲戒條例均應受降等處分等語高銘恩張祖栻均著准照所議即行降等以示懲儆交內務司法兩部查照此令

政事堂印

洪憲元年一月九日

國務卿陸徵祥

政事堂奉

申令文官高等懲戒委員會奏議決雲南巡按使呈劾已撤石屏縣知事周聲漢已撤永善縣知事曹永錫前署龍陵縣知事朱黻清已撤馬關縣知事景浚奉付懲戒一案依照知事懲戒條例應受褫職並奪官處分等語周聲漢曹永錫朱黻清景浚均著准照所議即行褫職并停叙實官以示懲儆餘如所擬辦理交內務部查照此令

政事堂印

洪憲元年一月九日

國務卿陸徵祥

政事堂奉

申令文官高等懲戒委員會奏議決湖南巡按使沈金鑑奏劾撤任保靖縣知事陳朝楷故諱盜案依照知事懲戒條例應受褫職并奪官處分等語陳朝楷著准照所議即行褫職停叙實官以示懲儆交內務部查照此令

政事堂印

洪憲元年一月九日

國務卿陸徵祥

國務卿奏據銓叙局詳稱遵批分發俄文專修館畢業學生並請嗣後照章仍分各邊省

委用由

政事堂奉

批令應准照辦交外交部查照此令

政事堂印

洪憲元年一月九日

國務卿陸徵祥

財政部奏辦理五年預算在事出力各員擬請獎給勳章由

政事堂奉

批令金兆蕃已有令明發矣餘如所擬給獎交政事堂飭銓叙局查照此令

政事堂印

洪憲元年一月九日

國務卿陸徵祥

陸軍部奏遵諭核給旅晉各國教師醫士二等銀色獎章由

政事堂奉

批令准如所擬給獎單存此令

政事堂印

洪憲元年一月九日

國務卿陸徵祥

陸軍部奏請以恩霈升補驍騎校由

政事堂奉

批令准其升補此令

政事堂印

洪憲元年一月九日

國務卿陸徵祥

陸軍部奏遵擬考察近畿各軍隊醫務衛生出力人員趙樹勛等分別改給勳章繕單請示由

政事堂奉

批令趙樹勛等已另有令明發餘如所擬給獎單存此令

政事堂印

洪憲元年一月九日

國務卿陸徵祥

交通部奏擬獎郵政人員勳章由

政事堂奉

批令包爾已有令明發陳茂濤并准如擬給獎交外交陸軍兩部查照并由政事堂飭銓叙局查照此令

政事堂印

洪憲元年一月九日

國務卿陸徵祥

參謀本部奏報陸軍大學校第二學年第二學期試驗情形由

政事堂奉

批令悉表存此令

政事堂印

洪憲元年一月九日

國務卿陸徵祥

兼任文官高等懲戒委員會委員長政事堂右丞錢能訓奏為議決卸署河南汲縣知事張徵乾懲戒案繕具議決書祈訓示由

政事堂奉

批令悉交內務財政兩部轉行河南巡按使查照執行議決書並發此令

政事堂印

洪憲元年一月九日

國務卿陸徵祥

籌備國民代表大會事務局局長顧鼐奏報國民代表大會據陝西省國民代表選舉暨督報告先後辦理情形由

政事堂奉

批令悉交內務部查照單并發此令

政事堂印

洪憲元年一月九日

國務卿陸徵祥

督修正陽門工程交通次長麥信堅奏隨同辦理工程出力人員擇尤請獎由政事堂奉

批令徐廷爵等已有令明發餘均准如擬給獎交外交部查照並由政事堂飭銓叙局查照此令

政事堂印

洪憲元年一月九日

國務卿陸徵祥

參政院參政言敦源奏奉授參政謝恩由政事堂奉

批令悉此令

政事堂印

洪憲元年一月九日

國務卿陸徵祥

兼署黑龍江巡按使朱慶瀾奏巡按使署薦任待遇掾屬羅樹森等續請從優叙官由政事堂奉

批令交政事堂飭銓叙局核叙此令

政事堂印

洪憲元年一月九日

國務卿陸徵祥

直隸巡按使朱家寶奏警務處處長楊以德受封男爵據情代陳謝悃由  
政事堂奉

批令悉此令

政事堂印

洪憲元年一月九日

國務卿陸徵祥

直隸巡按使朱家寶片奏卸任口北道道尹劉煥情殷展覲據情請示由  
政事堂奉

批令劉煥無庸來覲此令

政事堂印

洪憲元年一月九日

國務卿陸徵祥

直隸巡按使朱家寶奏報口北道道尹陳玉麟任事日期據情代奏由  
政事堂奉  
批令悉此令

政事  
堂印

洪憲元年一月九日

國務卿陸徵祥

一等男陝西巡按使呂調元奏封爵謝恩由

政事堂奉

批令悉此令

政事  
堂印

洪憲元年一月九日

國務卿陸徵祥

開武將軍督理雲南軍務唐繼堯呈雲南陸軍第二師師長沈汪度積勞病故擬請補給

年撫金由

政事堂奉

批令應准補給年撫金交陸軍部查照此令

政事堂印

洪憲元年一月九日

國務卿陸徵祥

察哈爾都統張懷芝奏審判處處長周樹標奉給勳章代陳感激下忱由

政事堂奉

批令悉此令

政事堂印

洪憲元年一月九日

國務卿陸徵祥

奏摺

國務卿奏據銓叙局詳稱會辦川東籌賑事宜李湛陽等應否免覲或緩覲請示遵摺

奏為會辦川東籌賑事宜李湛陽等應否免覲或緩覲恭摺仰祈 聖鑒事據銓叙局詳稱本年七月十八

日奉 策令任命李湛陽會辦川東籌賑事宜此令又十二月十六日奉 策令湖南巡按使沈金鑑著

兼任督辦湖南官鑛事宜此令各等因奉此查覲見條例內載簡任職因必要情形得呈請免覲或緩覲又因

職務重要得先行就職各等語李湛陽現在四川辦理賑務沈金鑑蒞任伊始此次兼辦該省官鑛事宜均係

職務重要可否准予免覲或緩覲之處詳請轉奏示遵等情理合恭摺具奏伏乞 皇上聖鑒訓示遵行謹

奏

政事堂奉

批令李湛陽等均准免覲此令

政事堂印

洪憲元年一月三日

國務卿陸徵祥

國務卿奏據銓叙局詳稱安徽高等審判廳廳長張志等擬請免覲摺

奏為安徽高等審判廳廳長張志等擬請免覲恭摺仰祈 聖鑒事據銓叙局詳稱准司法部函開本月二

十日政事堂奉 策令任命張志為安徽高等審判廳廳長黃芝瑞為甘肅高等審判廳廳長徐聲金為甘

肅高等檢察廳檢察長王樹榮為江蘇高等檢察廳檢察長等因查該員等在山東甘肅江蘇山西高等檢察

廳檢察長原任內均已由部帶領覲見在案此次調任今職可否准予免覲又准該部函開本月二十日政事

堂奉 策令司法部奏請任命胡祥麟兼任秘書應照准等因查該員在本部僉事任內曾經覲見此次兼

任今職可否准予免覲函請查照辦理等因准此查覲見條例內載簡任各職因必要情形得呈請免覲又曾  
經覲見之薦任職轉任薦任職得聲明毋庸覲見各等語茲准前因核與條例相符張志黃芝瑞徐聲金玉樹  
榮胡祥麟等五員擬請均准予免覲是否有當詳請轉奏等情理合恭摺具奏伏乞 皇上聖鑒訓示遵行  
謹 奏

政事堂奉

批令張志等均准免覲此令

政事堂印

洪憲元年一月三日

國務卿陸徵祥

政事堂禮制館奏本館辦事人員成績昭著擬請擇尤給獎以示策勵謹繕單恭摺具陳仰祈

奏為本館辦事人員成績昭著擬請擇尤給獎以示策勵謹繕單恭摺具陳仰祈 聖鑒事竊本館自去年

七月奉 諭開辦迄今一年有餘所有各項禮制皆已擬定草案開具條目恭呈 御覽在案現在該館

提調總纂暨編纂各員承辦大典禮制事尤繁曠均由提調郭則澐統籌綜核分策進行洵屬異常勞勩總纂

江瀚幫提調兼主任編纂陳閻幫提調兼總校曹秉章悉心經理考讎匪懈各編纂員亦皆昕夕在公力求明

備均有可錄之績除郭則澐聲稱疊荷 恩遇不敢仰邀獎叙外其餘各員謹擇尤開單擬請分別給獎以

示鼓勵是否有當伏乞 皇上聖鑒訓示施行謹 奏

政事堂奉

批令江瀚等已另有令明發矣其餘各員均准一併如擬給獎即由堂飭銓叙局查照此令

政事堂印

洪憲元年一月三日

國務卿陸徵祥

謹將禮制館擬請給予勳章各員繕單恭呈

御覽

計開

賈 耕 桑 宣 胡元玉 李雲慶 陳紹祖

以上五員擬請給予五等嘉禾章

盛孚泰

以上一員擬請給予六等嘉禾章

外交部奏請添制二等嘉禾勳章以宏榮典摺

奏為擬請添制二等嘉禾勳章恭摺仰祈 聖鑒事竊勳章令內載嘉禾勳章分列九等頒給勳章條例第六條內開初受嘉禾章應任自七等起累功得遞進至三等語臣部請獎各國薦任官員均係按照條例辦理惟對於各國官員往往於已得三等勳章後另行著有功績又有同為薦任而資格不同待遇亦不一律以致難於核獎臣部擬請將現行二等嘉禾勳章另行改制即以現行之二等章改名為二等加授嘉禾勳章佩法仍舊現行之二等章減去大綬作為二等嘉禾勳章佩於右肋凡遇已得三等章功績較著或須特別待遇者可晉給二等嘉禾勳章以宏榮典而昭懋賞如蒙 允准擬請 飭下政事堂銓叙局將條例另加修改奏明公布欽遵辦理是否有當理合恭摺具陳伏乞 聖鑒訓示遵行謹 奏

政事堂奉

批令准如所擬辦理即由堂飭法制銓叙兩局迅將此項條例修正公布此令

政事堂印

洪憲元年一月三日

國務卿陸徵祥

內務部奏新簡陝西漢中道道尹程建釗請假清理經手事件摺

奏為新簡道尹請假清理經手事件恭摺仰祈 聖鑒事據新簡陝西漢中道道尹程建釗詳稱建釗本在

定武軍充當總理營務處仰奉 策令授為陝西漢中道道尹來京 覲見事畢即應勉日赴任以盡職

守惟定武軍營務經理有年頭緒紛繁必須逐一料理以清經手擬懇給假四十日藉資結束一俟交代完竣

即當迅速起程馳赴新任等情到部查陝西漢中道道尹程建釗請假四十日清理經手營務事件自係實情

理合據情恭摺具陳伏乞 皇帝陛下聖鑒訓示謹 奏

政事堂奉

批令准予給假四十日此令

政事堂印

洪憲元年一月一日

國務卿陸徵祥

內務部奏甘肅渭川道尹公署科員向癸被匪戕害列職照章擬卹摺

奏為甘肅渭川道尹公署科員向癸被匪戕害殉職照章擬卹恭摺仰祈 聖鑒事案准將軍銜督理甘肅

軍務甘肅巡按使臣張廣建咨陳據前任渭川道尹向癸詳已以渭川道尹公署財政科科員向癸於民國二

年八月委任是職辦公勤慎白匪於三年五月四日夜攻城甚緊癸在西城督兵抵禦派留該科員在署防守

軍械公款五日六時城陷賊入道署該科員保守餉械效死勿去被彈洞穿腰部登時殞命情殊可憫造具履

歷事實摺詳由該巡按使照章請卹到部查文官卹金令第十七條載文官在職未滿十年因公致死者得於

第三條之終身卹金及增給卹金之三分二範圍內給以遺族卹金第十八條載文官因職務上罹險致死者除給予遺族卹金外並得於該文官死亡時之三月俸額範圍內給其遺族以一次卹金各等語該故員向癸於前年八月奉委充任甘肅渭川道公署科員月支俸給銀三十五元任事十月猝遭匪亂被戕殉職核與前列文官卹金令事例相符應即查照卹金令第十七條之規定於第三條之終身卹金及增給卹金之三分二範圍內每年給以一十五元之遺族卹金並照第十八條之規定給予該遺族以一百零五元之一次卹金以示矜憫如蒙 兪允即由臣部鈔錄原案咨行銓叙局照章辦理所有據咨請卹緣由理合恭摺具陳伏乞 皇上陛下聖鑒訓示謹 奏

政事堂奉  
皇上陛下聖鑒訓示謹 奏

批令准如所擬給郵交政事堂飭銓叙局查照此令

政事  
堂印

洪憲元年一月二日

國務卿陸徵祥

財政部奏曾任簡任薦任實職及薦任待遇相當人員王敦銘等勞績卓著擬請分別叙官繕單祈示摺  
奏為曾任簡任薦任實職及薦任待遇相當人員在部供差勞績卓著擬請分別叙官恭摺仰祈 聖鑒事  
竊准政事堂銓叙局通行勞績保案獎叙實官辦法一案內開現充差務未總叙官人員如果有異常勞績均准保請叙官等語查本部鹽務調查員王敦銘檢登徵收機關委員會會員劉次源沈式荀樂守綱陳濤鄒日燿清查官產處委員陳繼鵬黃序鵬菸酒公賣局籌議員王荃本高琦度胡嗣芬顧澄張錫桐泉幣司會辦幣制委員會會員陶德瑛泉幣司造幣總分廠總稽查宋發祥泉幣司化驗師單寶德編譯報告處委員李心靈充供要差資勞卓著洵屬異常出力自應分別叙官以資策勵王敦銘等奉 特派充京師前門東車站稽

查差使劉次源曾護理民政長沈式荀樂守綱曾任國稅籌備處處長王荃本曾任財政廳長陶德琨曾奉  
任命為幣制委員會專任會員高琦度鄒日燧曾奉 明令存記擬請均照官秩令簡任職叙官辦法核

叙陳繼鵬陳濬黃序鵬胡嗣芬顧澄宋發祥李心鑑張錫桐單寶德或曾任薦任實職或與薦任待遇相當據  
請均照文職令薦任職叙官辦法核叙謹取具劉次源等十七員履歷詳加審核繕列清單恭呈 御覽擬

請 敕下政事堂銓叙局分別議叙出自 高厚鴻施所有曾任簡任薦任實職及薦任待遇相當人員  
在部供差勞績卓著擬請分別叙官緣由理合恭摺具陳伏乞 皇帝陛下聖鑒訓示謹 奏

政事堂奉

批令交政事堂飭銓叙局核叙單并發此令

政事堂印

洪憲元年一月二日

國務卿陸徵祥

陸軍部奏請將王祖型池春芳補授陸軍實官摺

奏為請補陸軍實官人員恭摺仰祈 聖鑒事竊查陸軍官佐補官令施行細則第十六條內開在陸軍官

佐補官暫行章程施行以前曾按舊章補授軍官佐者得依原官階級改補等因茲查有曾經補授職階協軍

校臣部差遣員王祖型補授製械協軍校軍實庫辦事員池春芳等二員先後詳送履歷委狀各件請予改補  
實官前來臣部查與陸軍官佐補官令施行細則第十六條規定尙屬相符擬請將王祖型池春芳二員補授  
陸軍職兵少尉以符定章理合恭摺具陳伏乞 皇帝陛下聖鑒訓示謹 奏

政事堂奉

批令王祖型池春芳均准如擬補官此令

政事堂印

洪憲元年一月一日

國務卿陸徵祥

陸軍部奏遵將剿辦藍匪出力各員張榮等補授實官繕單請示摺(附單)

奏為遵請補授陸軍實官人員繕單恭摺仰祈 聖鑒事竊准統率辦事處函開准鎮安上將軍督理奉天軍務段之貴咨呈遵將陸軍第二十七師剿辦藍匪出力各員擇尤開單請獎等情業經轉呈奉 諭照准等因除已函覆暨張景惠准授少將趙錫福趙玉周准授上校照簡補例由本處呈請明發外相應鈔錄原咨及原單函達查照辦理等因准此除張景惠趙錫福趙玉周已奉 令明發外所有應行補官人員自應遵請補授其請獎七等文虎章孟文卿一員由部註冊發給再請以縣知事任用暨請給警察獎章各員已咨內務部辦理合併聲明理合繕單具摺伏乞 皇帝陛下聖鑒訓示謹 奏

政事堂奉

批令張榮等已另有令明發餘如所擬分別授官單存此令

政事堂印

洪憲元年一月二日

國務卿陸徵祥

謹將遵請補授陸軍實官人員繕單恭呈 御覽

計開

步兵五十三旅百六團二營八連排長步兵中尉馬德新 六連排長步兵中尉關連棟

以上二員遵請授為陸軍步兵七尉

騎兵二十七團二營七連連長于鳳林 三營九連排長騎兵中尉劉振廷

以上二員遵請投為陸軍騎兵上尉

礮兵二十七團三營八連排長礮兵中尉邢占清

以上一員遵請投為陸軍礮兵上尉

步兵五十三旅百六團二營七連排長湯玉明 八連排長步兵少尉張連青

以上二員遵請投為陸軍步兵中尉

師部偵探委員周德成

以上一員遵請投為陸軍步兵少尉

陸軍部奏連長鄭蓋臣攜餉潛逃請予先行褫革實官摺

奏為軍官攜餉潛逃請予先行褫革實官恭摺仰祈 聖鑒事竊准宣武上將軍督理江蘇軍務馮國璋咨

陳開案查本年十月二日據本行署副官處轉據衛隊長馬廷樹詳報衛隊第四營第四連連長礮兵上尉鄭

蓋臣安徽宿縣人於九月三十日將該連九月分月餉銀元四百四十八元全數攜捲潛逃查拏未獲理合開

具該連長眷屬住址並像片一張懇請通飭嚴緝以肅軍紀等情前來查該連長鄭蓋臣身任軍職膽敢拐款

潛逃殊屬大干軍紀當經先後批飭該隊長勒限嚴緝並通行軍事各機關及該連長原籍一體協拏惟至今

兩月有餘迄未弋獲除將該管營長酌予懲罰並仍嚴飭在拏外應請將鄭蓋臣所補礮兵上尉實官先行褫

革以示懲儆相應咨陳貴部查照辦理等因到部查該犯官鄭蓋臣於三年四月間奉 准補投陸軍礮兵

上尉在案茲准前因臣部覆核無異理合恭摺具陳伏乞 皇帝陛下聖鑒訓示謹 奏

政事堂奉

批令鄭蓋臣應即褫革陸軍礮兵上尉原官通飭嚴緝務獲究辦此令



洪憲元年一月二日

國務卿陸徵祥

陸軍部奏海州鎮守使擬請定為簡缺摺

奏為海州鎮守使擬請定為簡缺恭摺具陳仰祈 聖鑒事 民國四年十二月二十五日奉 策令任命

白寶山為海州鎮守使此令等因查各省鎮守使額缺分為繁中簡三種所有薪公數目均經規定在案新設

海州鎮守使一缺擬請定為簡缺其薪公數目即照前定簡缺之數辦理是否有當理合恭摺具陳伏乞

皇帝陛下聖鑒訓示謹 奏

政事堂奉

批令准如所擬辦理此令

政事堂印

洪憲元年一月三日

國務卿陸徵祥

海軍部奏請將海軍所屬各機關及艦隊在職各員擇尤獎勵摺(附單二件)

奏為臣部所屬各機關及艦隊在職人員夙著勤勞擬懇擇尤酌給勳章恭摺具陳仰祈 聖鑒事 竊查臣

部所屬各機關及艦隊在職人員王齊辰等五十一員歷年以來或奮勉從公成績卓著或熱心教務陶鑄羣

才雖各盡在公之責似未便沒其勞動合無仰懇 天恩俯准分別酌給勳章以資鼓勵出自 聖裁謹

恭摺繕單具陳伏乞 皇上聖鑒訓示謹 奏

政事堂奉

批令王齊辰劉冠南等已另有令分別給予勳章矣其餘各員均應一併如擬給獎交陸軍部查照並交政事

堂飭銓叙局查照單併發此令

政事  
堂印

洪憲元年一月三日

國務卿陸徵祥

謹將海軍所屬各機關在職各員擇尤擬獎繕單恭呈

御覽

計開

三等文虎章七等嘉禾章海軍軍醫大監吳淞海軍醫院院長許世芬

以上一員擬請晉給五等嘉禾章

六等文虎章海軍中校吳淞海軍學校佐理官孫錡

以上一員擬請晉給五等文虎章

海軍輪機上校福州海軍學校校長王桐 海軍造艦中監代理福州海軍製造學校校長陳長齡 海軍

上尉煙台海軍練營副長謝滋年

以上三員擬請給予五等文虎章

海軍少校南京海軍雷電學校佐理官陳天經 海軍少校煙台海軍學校佐理官趙士淦 海軍少校福州

海軍學校總教官陳欽賓 海軍上尉煙台海軍學校學監許秉賢 海軍上尉煙台海軍學校正教官鄭

衡 海軍輪機上尉福州海軍學校佐理官陳承植 海軍造艦中監福州海軍製造學校總教官林振

峯 海軍一等造艦官福州海軍製造學校佐理官方鼎鼎

以上八員擬請給予六等文虎章

煙台海軍學校軍醫官林俊雄

以上一員擬請給予七等文虎章

謹將海軍總司令處及各艦隊在職各員擇尤擬獎繕單恭呈 御覽

六等文虎章海軍少校永翔軍艦副長薩福嘯 六等文虎章海軍少校永豐軍艦副長王 詵 六等文虎

章海軍上尉海容軍艦魚雷正嚴壽華

以上三員擬請晉給五等文虎章

海軍上校飛鷹軍艦艦長楊樹莊

以上一員擬請給予五等文虎章

海軍少校福安軍艦副長周思賢 海軍少校鏡清軍艦航海正王朝琛 海軍輪機少校海圻軍艦輪機正

薩君謙 海軍上尉海琛軍艦槍礮副廖德星 海軍上尉肇和軍艦軍需副田士捷 海軍上尉楚謙軍

艦副長華貽穀 海軍輪機上尉江貞軍艦輪機正黃輝如 海軍中尉永豐軍艦航海副陳 拔 海軍

輪機中尉聯鯨軍艦輪機副張昭憲

以上九員擬請給予六等文虎章

海軍輪機中尉湖鵬雷艇輪機正李士奎 海軍輪機少尉湖鵬雷艇軍士長林春山

以上二員擬請給予七等文虎章

海軍部奏收回肇和軍艦出力士兵李存務等請給勳獎各章摺(附單)

奏為收回肇和軍艦在事出力士兵擇尤擬獎恭摺具陳仰祈 聖鑒事竊查收回肇和軍艦在事出力之

海軍官佐業經巨部另案奏請分別給予獎勵其在事出力士兵自應欽遵本年十二月十五日 申令辦

理茲據福鳳留任海軍總司令李鼎新電稱此次收回肇和軍艦最為出力之弁目計有應瑞軍艦槍礮上士

李存務等十一名請予獎勵等情到部當經巨部電致海軍中將李和巨部次長曹嘉祥在滬就近覆查旋據

電稱該槍礮上士李存務等十一名確係在事出力著有微勞等語自應分別議擬給予勳獎各章以示鼓勵

謹恭摺具陳是否有當伏乞 皇上聖鑒訓示謹 奏

政事堂奉

批令准如所擬分別給獎單存此令

政事堂印

洪憲元年一月二日

國務卿陸徵祥

謹將收回肇和軍艦在事出力士兵擇尤擬獎繕單恭呈

御覽

計開

七等文虎章應瑞軍艦槍礮上士李存務

以上一名擬請晉給六等文虎章

應瑞軍艦槍礮上士陳生旺 應瑞軍艦槍礮上士葉金鏞

以上二名均擬請給予三等獎章

四等獎章應瑞軍艦魚雷上士王晉升 四等獎章應瑞軍艦稽查上士陳生煥

以上二名均擬請晉給三等獎章

應瑞軍艦帆纜中士梁祖煥 應瑞軍艦帆纜中士吳伊細 應瑞軍艦帆纜中士王官浩 應瑞軍艦帆纜

中士趙仲富 應瑞軍艦帆纜中士林國基 應瑞軍艦帆纜中士鄒允盛

以上六名均擬請給予四等獎章

蒙藏院奏蒙古王公呼圖克圖等因病不克來京值班據情代請賞假摺

奏為蒙古王公呼圖克圖等因病不克來京值班據情代奏懇請 賞假事竊准錫林郭勒盟東蘇呢特旗

暫署扎薩克印務協理台吉桑吉咨呈本旗和碩親王瑪克蘇爾扎布本年恭值年班惟因病體尙未就痊呈請賞假又准烏蘭察布盟盟長扎薩克多羅達爾汗卓里克圖和碩親王勒旺諾爾布咨呈據本盟副盟長喀爾喀扎薩克親王銜多羅達爾汗那王雲端旺楚克協理台吉等轉報本旗貝子銜鎮國公諾爾布散布本年恭值年班本應遵照來京惟本爵忽患腰痛難經延醫調治迄今未痊不克來京值班懇請給假又准伊克昭盟盟長鄂爾多斯和碩親王吉慶特古斯阿勒坦呼雅克圖咨呈據署扎薩克輔國公圖布新濟爾噶勒報稱本公邇來腰腿疼痛醫治迄未速痊懇將本年年班給假又准綏遠都統咨據署歸化城總管扎薩克達喇嘛吹薩噶巴迪彥齊呼圖克圖羅布桑丹舉色勒濟特詳稱延壽寺錫拉格圖呼圖克圖本年值班本應遵飭赴京並擬觀謝前 賞名號鴻恩惟本年三月間因患腿疾醫治未痊現復用藥調理懇請轉咨給假各等因前來查蒙古王公呼圖克圖等恭值年班如有特別重要事故實不能來京者當遵照向例先期報明緣由遣協理台吉代替來京或請假以重要典會經通行在案茲該親王瑪克蘇爾扎布鎮國公諾爾布散布輔國公圖布新濟爾噶勒錫拉格圖呼圖克圖既均染病未痊轉請給假與例尙屬相符理合將該王公呼圖克圖等因病不克來京值班懇請 賞假緣由據情代奏伏乞 皇帝陛下聖鑒訓示施行謹 奏

政事堂奉

批令准予給假此令

政事堂印

中華民國四年十二月三十一日

國務卿陸徵祥

蒙藏院奏年班來京各王公呼圖克圖新年前不及帶親應請於元旦日准予一律隨同親賀摺  
奏爲奏明事竊查年班來京各王公等按照年班禮節均應親 見一次除前已到京各員業於本月二十

七日由院帶領親 見外現尚有陸續來京者自應由院續行請覲惟元旦在即屆期王公呼圖克圖等應入賀所有現已到京各王公呼圖克圖新年前不及帶親應請於元旦日准予一律隨同親賀以示體柔理合具奏陳明伏乞 皇帝陛下聖鑒謹 奏

政事堂奉

批令准其隨同親賀此令

政事堂印

中華民國四年十二月三十一日

國務卿陸徵祥

蒙藏院奏遵擬阿爾泰屬扎哈沁部落則爾根廟名恭摺仰祈 聖鑒事准政事堂機要局鈔交新疆巡按使

奏為遵擬阿爾泰屬扎哈沁部落則爾根廟名恭摺仰祈 聖鑒事准政事堂機要局鈔交新疆巡按使

楊增新巧電奏阿爾泰屬扎哈沁部落則爾根廟庫倫堪布丹巴耿登嘉木楚募化鉅款修復廟宇率衆誦

經設誓推戴出於真誠可否准將丹巴耿登嘉木楚仍以堪布頒賜黃冊並頒賞廟名匾額以示優異之處謹

示等語奉 諭巧電悉據陳則爾根廟堪布傾誠推戴殊屬可嘉所請頒賜黃冊並賞給廟名匾額以示優

異之處應即照准交蒙藏院查照呈辦等因鈔交到院茲謹撰擬廟名開單恭候 閣定照章辦理至

頒賜該堪布封冊應俟廟名奉 准後再行咨明銓叙局遵辦所有遵擬廟名緣由理合繕單恭陳伏乞

皇帝陛下睿鑒訓示謹 奏

政事堂奉

批令著定名慧圓由該院照章辦理此令

政事堂印

洪憲元年一月一日

國務卿陸徵祥

辦理國民會議  
籌備國民代表大會

事務局局長顧壽奏辦理選舉電文繁曠請將京外電局在事出力人員分別請獎摺  
案爲辦理選舉事項電文往復繁曠倍常迭經咨商交通部聲明慎密尙無貽誤擬請將京外各該電局在事出力人員由交通部分飭查明擇尤咨局分別請獎以資鼓勵恭摺仰祈 聖鑒事竊查臣局籌備國民會議議員選舉事務依照法定程序正在趕速進行旋奉 令公布國民代表大會組織法規定關於選舉投票之籌備事宜由臣局辦理自應兼營並進尅日程功所有解釋法令辦理手續與夫在事人員之選派或更易暨選舉被選舉資格之調查審查以及臨時發生急待解決之問題或因法文不無疑義必須立時答覆者或因辦法未能一律尙須往復詢商者計各選舉區幅輻遼闊道里阻修交通不便之區文牘往還尤非累月經旬不能到達故自辦理選舉以來臣局與各選舉監督來往電文較之他項機關尤爲繁曠所有職掌電務人員關於此項文件既不得稍事遷延亦不容稍形疏漏務必矢勤矢慎始免貽誤要公查臣局前據陝西等省選舉監督電稱緊要文電稽遲數日尙未接到業經據情轉請交通部查明分別懲罰在案竊以懲罰所以儆玩情而獎勵所以策勳能此次國民代表選舉暨國民會議議員選舉先後舉行期限至爲迫切全賴電文傳遞消息靈通俾得收朝發夕至之功而得響附影從之妙故一應籌備各事始能先期布置免致臨事周章計此數月間籌備機關與監督機關每日譯發電文不下數十件司其事者忙劇較倍於平時尙能踴躍奉公慎密將事所發急要等電漏夜趕辦均得無誤事機迹其從公昕夕備極勤劬似不無微勞足錄現在國民代表大會業經告竣國民會議議員覆選不日亦可報齊擬請將京外各電局在事出力人員擇尤請獎以資激勵如蒙 俞允即由臣局咨會交通部分飭查明擇尤咨明臣局一面由局酌定給獎等次擇尤開單分別請獎以資激勵所有擬請將京外各該電局在事出力人員分別獎勵緣由是否有當理合恭摺具陳伏乞 皇帝陛下聖鑒訓示謹 奏

政事堂奉

批令交交通部核議具復此令

政事堂印

洪憲元年一月一日

國務卿陸徵祥

鎮安上將軍督理奉天軍務段芝貴奏援案請將曾授軍官之程昌恆改叙文官摺

奏為援案請將曾授軍官之程昌恆改叙文官謹繕履歷恭摺具陳仰祈 聖鑒事竊維國家因事設官量

能授職爰備登庸之典嚴杜倖進之階臣聞寄忝膺求賢淵源處此邊疆要地布置策畫動係觀瞻一切軍務

之進行胥以餉糈為根據端賴幹員贊助始克宣揚 威德綏輯東陲謹就真知灼見之餘勉附為國薦賢

之義查有巨署軍需課課長程昌恆安徽合肥縣人前清以軍功薦保直隸州知州分省補用並加四品銜自

巨充駐京總司令時委充庶務處長嗣改組拱衛軍委充正馬醫官兼會計員補陸軍二等獸醫正迭充江西

安徽宣撫使第一軍軍需處長兼民事參議官會辦贛北克復各州縣鹽稅關局善後事宜於兩粵肅清案內

獎給三等嘉禾章四等文虎章臣在湖北都督任內保升一等獸醫正薦充軍署軍需課課長並以才長綜覈

於財政極有經驗四年九月二日奉 批令傳令嘉獎經部調充鎮安上將軍行署軍需課課長就職以來

血誠任事夙夕勤勞奉省夙為萑苻不靖之區每致授人口實比以設防籌餉賦稅宜軍費要需計畫靡備

軍心益見鞏固地方日臻乂安實該員之力為多復因財政艱難使之協議言論闕達悉協事機於民事尤極

留心富有經驗查該員宅心正大才識優長從前本係文官鼎革以還始補軍職覆加考察尚未能用當其才

伏讀公報振武上將軍龍濟光咸武將軍陸建章奏武將軍靳雲鵬德武將軍趙倜各以軍署職員請改文官

均奉 批令照准在案該員事同一律擬請援案改叙文官以資任使惟查該員係一等軍醫正按照陸軍

官佐士兵等級表與陸軍上校係屬同等此次改叙參酌文官秩令之規定例得上大夫官階合無仰懇

天恩俯念該員勤勞懋著積資較優 特予從優叙授用資鼓勵而策方來其原有軍官應請註銷臣爲  
以人事國激勵賢能起見理合繕具履歷恭摺具陳伏乞 皇帝陛下聖鑒訓示謹 奏

政事堂奉

批令交政事堂飭銓叙局查核改叙履歷併發此令

政事堂印

洪憲元年一月一日

國務卿陸徵祥

貴州巡按使龍建章  
貴州護軍使劉顯世

奏爲前清武員闔門死事籲懇 宣付史館立傳以彰忠靈恭摺仰祈 聖鑒事竊維龍淵殺賊意氣激

昂馬革裹屍聲名壯烈至乃闔門一燼並視死以如歸尤徵大節千秋足彰志而貞化自當增輝史乘昭示來

茲查有前清貴州台拱廳屬黃施衛千總邢連科原名正培世居貴陽慷慨談兵豪俠好義投身尺籍列戟苗

疆時值太平之年絕少鼓鞞之震願增馬齒屢舞鷄鳴攬轡據鞍走翁依然矍鑠移麾邊地羣情共切擊依無

何大陸播奔中原鼎沸烽煙迭警苗亂潛滋雀鼠俱空孤城坐困驚四郊之多壘勞五夜以登陴三閱月而賊

勢益張屢馳書而援兵始至方期蒐合餘燼夾擊可圖寧知召募新師不戰自潰軍騎陷陣拚老將之頭顱一

夕棄戕完闔門之節義此誠清史所僅見實爲黔民所同欽恭逢我 皇上經武整軍褒忠勸節揚前朝之

武烈發潛德之幽光舉國聞風頑廉懦立用敢錄具該千總邢連科闔門殉難事實會同籲懇 恩施俯准

宣付史館立傳以彰忠靈是否有當理合恭摺具陳伏乞 皇上聖鑒訓示謹 奏

政事堂奉  
批令交清史館查照摺並發此令

政事  
堂印

中華民國四年十二月三十日

國務卿陸徵祥

貴州巡按使龍建章奏綏陽縣知事增治疏脫囚犯請付懲戒摺

奏為縣知事疏脫囚犯擬請依法交付懲戒恭摺仰祈 聖鑒事本年十一月五日案據綏陽縣知事增治詳稱知事因赴正安縣會同全知事煥勛勸立界碑於十月十五日途次接據管獄王子奎稟稱本月十一日夜風雨大作五更後詎縣監已決囚犯劉紹初等三人乘禁卒更夫睡熟扭斷鐐鑰撬開木柵挖穿牆洞越獄逃逸當即派警跟追並無踪跡等情知事聞信趕回親詣監所勸明屬實隨即派警圍分途緝緝一面卷查該犯劉紹初係聽從行劫郭子清家拒傷雇工判處無期徒刑楊子安係聽從行劫雷德先家得贓並捉陳光泰勒贖判處無期徒刑均經高審廳判決執行監禁之犯李子高一犯係由陸軍第五團團長熊其勛查送供詞游移尚未決定通詳押候質訊之犯開具各犯姓名年籍詳請通飭協緝等情據此當批准通緝並予限一月嚴拿務獲去後茲屆限滿犯未弋獲亟應照章呈付懲戒以重獄政並據高檢廳詳請懲處前來臣覆查該綏陽縣知事增治身為有獄之官宜如何謹慎將事杜漸防微乃竟疏脫已未決囚犯至三名之多迨奉飭嚴緝又逾限未獲一犯實屬異常疏忽應請 交付文官高等懲戒委員會依法議處以示儆懲除咨陳內務部司法部查照外所有綏陽縣知事增治疏脫囚犯請付懲戒緣由理合恭摺具陳伏乞 皇上聖鑒訓示 謹 奏

政事堂奉

批令增治著付文官高等懲戒委員會依法懲戒並交內務司法部查照此令

政事  
堂印

中華民國四年十二月三十日

國務卿陸徵祥

勅

外交部飭第七十五號  
朱鶴翔調部任用此飭

外交總長陸徵祥

部印

中華民國四年十二月三十一日

外交部飭第七十六號

駐美使館隨員汪原懋徐良現據辭職應照准此飭

外交總長陸徵祥

部印

中華民國四年十二月三十一日

外交部飭第七十七號

駐美使館主事張銘著即開缺此飭

外交總長陸徵祥

部印

中華民國四年十二月三十一日

外交部飭第七十八號

駐新加坡總領事館主事孫鶴皋開缺另候任用遺缺派陳成泰署理此飭

外交總長陸徵祥

部印

中華民國四年十二月三十一日

外交部飭第七十九號

駐古巴總領事館隨習領事派蔡世溶署理此飭

外交總長陸徵祥

部印

中華民國四年十二月三十一日

外交部飭第八十號

駐墨使館三等秘書官魏文彬以原官暫署駐美使館隨員仍支原俸孫祖烈調署駐美使館隨員此飭

外交總長陸徵祥

部印

中華民國四年十二月三十一日

外交部飭第八十一號

王一之調部任用此飭

外交總長陸徵祥

部印

中華民國四年十二月三十一日

粵公電

大名王鎮守使致雲南電

雲南唐將軍任巡按使鑒近聞貴省通電各省請取消帝制敵處雖未接有此項通電然謠報傳來殊堪駭異夫君主立憲本為全國所表決民意之向背即國家安危之所繫我軍人以保衛治安為天職以鞏固國本為要務素聞公等深明大義當此天心人意交相洋溢豈容再生異議以亂天下若果為人播弄尙望早日改悔速返迷途通電各省以明心迹倘或執迷不悟甘蹈叛逆則亂臣賊子人人皆得而誅之望公等速決

奉天段芝貴來電十二月二十九日

政事堂鈞鑒奉感電祇悉 聖上虛懷下問周采旁咨曷勝欽悚竊維國家者乃全國人之國家祇能取多數之民意不能因少數而變更此次改定國體全國一致乃因謀保疆土謀保身家又一致推戴是以艱鉅責之 皇帝并非以尊榮奉之 皇帝 皇帝鑒此艱難不願負荷辭讓至再嗣經全國固詞籲懇

皇帝為救國救民乃始犧牲一切出而膺天下之重豈 皇帝之始願耶唐繼堯等奸逆性成不顧全國生命不顧中國危亡始則勸進繼而反覆設該逆等早有此奏則因一省之不贊成或可從容討論乃於國體已定之後突以少數奸謀思阻萬年大計究竟是否全省民意抑係該逆等三二人之亂謀尙難揣測然終不難

因滇省一隅謬見而背全國心理致傾覆我邦家現在對於該逆等祇有芟夷決無顧慮至改建國體祇有進行決無停頓尙請早登大位以奠國基早申天討以順民意若稍有遲回豈非背救國之初心拂全國之真意因一省而失中國之望決無是辦法萬懇宸衷立斷勿為宵小動搖臨電不勝遑切之至請代奏芝貴勸印

南昌李純來電十二月二十八日

統率辦事處鈞鑒敬電謹悉茲有敬乞代奏電文一通其文曰 皇帝陛下聖鑒竊臣先後接雲南唐繼堯

任可澄等漾電蔡鐸戴等敬電並經報告統率辦事處在案伏思自國體決定以來舉國臣民一致推戴我

皇帝仰維聖德謙冲推讓至再遵經代行立法院國民代表大會總代表迭次籲懇始蒙我 皇帝俯

願輿情愈允可天下喁喁如倒懸之獲解不意蔡唐等逆喪心病狂飾詞擾亂第念歷朝開國往往有不願  
順逆者抗亂其間以堯之聖而有共工舜之智而有三苗禹之功而有孔壬文武之德而有頑民莫不順天者  
昌逆天者亡多一次之抗亂即多一次之戡定適足以顯揚威武其於聖德固無損也但當大典籌備之始而  
該逆等自絕於天致煩屢慮贛省軍民間之異常憤激咸謂該逆等或現膺疆寄或曾縮軍符均與國家有安  
危與共休戚相關之誼此次國體之改革純粹以民意為從遠經數月之討論獲最後之解決實屬全國一致  
毫無異言即該逆等亦曾極端贊成於先今復藉詞倡亂於後小人反覆首鼠兩端殊堪痛恨現既叛迹昭著  
危害國家應請登罪致討以伸大義於天下臣職司軍旅對於國家公敵自誓不共戴天現已秣馬厲兵待命  
即發願逆所在勝負已分若輩毫無膽識此舉不過受他人之煽誘一閃而起大兵一臨立即瓦解前者贛軍  
之亂臣身親其役深知黔驢技倆不過爾爾仰乞宸衷釋念迅賜殺斷渙發明令俾得與川粵湘楚桂黔諸軍  
馳驅並進無任迫切待命之至除已致電唐任等詰責勸告外謹馳電以聞昌武將軍督理江西軍務一等侯  
臣李純謹奏等語敬乞代奏李純叩沙印

吉林孟將軍等致雲南電

頃准濛日通電環誦再三殊深詫異查此次國體問題實因共和不適國情人民想望君憲而起中央猶恐人  
民趨向不一故特定繁重手續專以正確之民意為歸不兩月間全國一致贊成君憲并推戴 袁大總統  
為中華帝國 大皇帝人歸天與千載一時誠有如貴省東電所云是故非一二人私意所能成尤非  
大總統始料所能及大勢所趨何嘗有利誘勢迫之舉至亂黨之藉口外人之微詞貴省東電有即不變更  
體豈遂無詞以倡亂帝制係我內政於外人無與等語又閱貴省兩次籲請元首早登大位電文識見卓越  
佩曷深乃不旋踵而有此電何竟前後如出兩人豈已為亂黨所挾持耶抑於全國情形尙未深悉耶貴省素  
稱瘠苦變亂頻仍螳臂當車不待龜筮况我國風雨漂搖已屆四載惟賴 大總統主持於上我同人協力  
維持始有今日恩遠播唐已早決心別無他議無論何省稍有異志即視人民公敵絕端反對特盡忠告之諒

務希即返迷途

大總統豁達大度必不以一昔沒前勞也幸勿疑慮致誤大局佇望速覆以慰系念

### 煙台森憲藩致雲南電

傳聞通電請取消帝制駭怪萬分現在趨向君憲全國一致執事亦曾三次勸進忽變宗旨意欲何爲夫民爲邦本國體既由人民表決卽元首亦不能違拂輿情豈容自相矛盾致淆國是執事涉歷中外詎見不及此是必輕聽浮言或猝受迫脅以蔽一時之聰致鑄九州之錯夫贊成於前反對於後反復無常徒爲天下後世所訕笑乎以一省而甘爲全國公敵螳臂當車尤爲智者所不取唐將軍爲昔年同學任巡按使均今日同舟風雨飄搖敢盡忠告惟兩公其圖利之

### 遼源州吳俊陞致雲南電

雲南開武將軍唐巡按使任鑒頃聞二公通電各省取消帝制陞始聞而疑繼思而駭溯自辛亥以還今上袁公夙夜憂勤戡亂定國其豐功偉烈固無俚鄙人瑣瑣也自共和至今迄已四載紀綱不振風俗披靡全國人民亟思早定一尊以資補救凡我軍政商民各界莫不歡欣舞蹈共表贊同前聞公等曾兩次電請元首早登大位識時務遠欽佩殊深茲忽通電取消帝制前後兩歧俊陞不得不疑問嘗肝衡當代環顧全球論武德非 袁公莫屬論勳績非 袁公莫當然則當今一人捨 袁公其誰至數載精勤四方安堵雖 袁公不以爲功天下自有公論况經各省代表公舉大位已定無可動搖公等既齷齪於前還望敦請於後天下幸甚俊陞勸

### 太原金逸按使致雲南電

頃接漾電不勝駭異此次變更國體雖由籌安會發議然全國人民同聲同氣雲擁風發欲加之罪何可勝爲苟非得人心之所同安能合輿論爲一致維持主張人有一動不可復靜之勢 大總統堅持未九日趨激烈情勢日見囂張曾經派員向代行立法院表示意見旋以國民主權在國民全體載在約法即 大總統亦無壓制民意之權萬不得已加由代行立法院議定召集國民代表大會投票公決及至開票全國一致贊成君主立憲質問各區域之多選舉人數之夥與一切手續之繁孰能操縱自如使其不謀而合前准貴將軍

遞接使真電報告滇省投票全體贊成君主立憲并公戴今 大總統為皇帝等因公報所載十一月十三日有公等率同軍政界全體暨商界周忻等推戴之電十二月二日又有公等勸進之電稱述厭棄共和渴望帝政民間如何歡慶公等如何熱忱力任地方治安敦勸早登大寶言猶在耳紙墨未乾茲忽露布全國罪狀政府自相矛盾前後異詞令人百思不得其故且自國體解決以來宣布中外環球徧知各友邦已有次第承認之議公等若不謂然前此籌安會討論之日國民代表未投票以前何不抗聲反對乃復隨聲附和催促進行直至此全國一致之時突然發以少抗多之議夫多數取決少數宜應服從究令公等反覆自甘置前此文電交馳等諸兒戲又安能以一滇之反對辱全國之贊成設更邪說汗民惹起紛擾閱牆召侮為虎作倀誰無心肝何忍出此人即最愛共和其可愛孰若國家人即最恨帝制其可恨孰若亡國充公等之所為是自求亡國之手段而無端變更國體之問題尙冀激發天良迷途速返艱難共濟善始善終全國之幸亦即公等之福諒屬同舟敢進忠告尙希亮管是荷

歸化潘矩楹來電十二月二十九日

政事堂鈞鑒恭讀感電寄諭聖懷冲挹詢及芻蕘至德腕誠聞者感泣竊維唐繼堯等此次通電名雖反對帝制實思破壞國家包藏禍心蓋非一日即如孫黃諸逆當民國肇建亦無日不以破壞為前提實以好亂性成圖謀私利初非確有宗旨也我 皇上敝屣天下詔書割切可質幽明惟以人民呼籲之殷不忍華夏淪胥之慘凡有血氣銜戴同深今唐繼堯等造為蜚語誣我國人更假託外交離間友國居心險惡如虺如蛇似此亂臣何代蔑有伏懇早伸天討以快人心拯濟滇民出諸水火萬勿啟倦勤之念致增億兆之憂矩楹溼受恩施涓埃未報惟有枕戈待旦靜候驅驅兩山可移此心不改臨電迫切無任屏營請代奏綏遠都統潘矩楹叩

濟南新雲麟來電十二月二十九日

政事堂鈞鑒鑒感電不勝惶悚伏念共和政體不適國情無待贅述非君主立憲不能救國非我 皇上乘乾御宇不能圖存此實全國之公論當此國民全體表決之後豈容再有討論餘地至於內亂之生在歷代開

蓋均所不免豈能因二三小醜之跳梁致生大局之搖動願楷等曾經通電唐任義正詞嚴足奮其魄如其本  
知悔悟即請宣布該逆等罪狀俾與國人共棄一面迅速進兵以彰天討該逆違天拂人決無倖逃之理再  
本既定應抱定方針積極進行不可因小有障礙頓生躊躇致起軍民之惶惑披瀝上陳伏乞代奏祈雲  
鑾勅印

蚌埠倪嗣冲來電十二月二十九日

皇帝陛下聖鑒承准政事堂感電以唐繼堯等請取消帝制飭令陳奏意見用備採納等因仰見我 皇上  
詢及芻蕘之至意竊查改革國體全由民意發生全國代表一致贊同國是已定天命有歸斷非少數人私意  
所得主張亦即非少數人私意所得破壞况研究討論已及數月唐繼堯等如有意見儘可切實敷陳迺  
於從容討論之時忽反對於解決宣布之後淆惑觀聽謀危國家且其有日通電尤屬狂悖絕倫逆跡昭著國  
法難容查歷代開國之初驕兵悍將弄盜潢池希圖非分天戈所指立就蕩平載在史策自古皆然唐繼堯等  
重違民意反覆叵測天兵一臨如湯渥雪伏乞 聖上赫然震怒聲罪致討臣雖不敏竊願整備三軍聽候  
驅策是否有當伏乞聖鑒臣倪嗣冲謹奏勅印

武昌王占元等來電十二月二十九日

皇帝陛下聖鑒國體解決業經月餘宣布以來人民歡舞此正我國家日復強盛之基是即亂黨勢蹙技窮之  
日乃不料唐繼堯等無端反復自外生成爲虎作倀希圖破壞殊不知螳螂之臂詎足當車燭火之光安能  
以此次解決國體係出自全國人民之公意即該漢省紳民亦在贊成之列該唐逆等徒以個人私意妄思違  
亂自取滅亡茲各省各區莫不敵愾同仇整軍候旨跳梁小醜不難指日盪平惟國體已定一尊君位即宜速  
歸况已宣布中外大信炳若日星當此之時尤爲刻不容緩在我 聖主固以爲皇圖大典不妨籌備從容  
在軍民或懷疑漢事所稽不禁引爲大恥伏乞我 皇上俯念救國救民之本意乾綱獨斷即於新曆之辰  
御登大寶俾以慰天下臣民之望而絕亂黨覬覦之心臨穎迫切退勝惶悚待命之至一等侯署督理湖北軍

壽臣王占元一等男湖北巡按使臣段書雲謹奏十二月二十八日印

南寧陸榮廷來電十二月二十九日

統率辦事處鈞鑒唐任蔡戴等敢爲全國公敵肇亂首禍喪心病狂令人髮指前經榮廷祖同兩電切責其覺悟乃該逆等竟託名代表妄稱獨立其電詞內有聯合黔省誓師北伐之語似此甘心叛逆形迹昭著決非語言文字所能開悟應請我皇上赫然震怒明頒嚴諭宣布中外大伸天討拯滇民於水火鞏國基於苞桑榮廷等謹當整動戎行枕戈待命敬祈代奏陸榮廷王祖同叩勅印

南寧陸上將軍王巡按使致雲南電

昨迭忠告諒已達覽頃接漾電並蔡錫戴賊等具名敬電駭悉一切前日得之傳聞者今乃見之事實痛憤之餘堪爲惋惜君憲問題由於全國人民之表決反抗者即爲全國公敵在當日提倡維持即公等亦願盡力乃受少數黨人之愚弄爲此離奇背謬之舉前後判若兩人視國家如兒戲誠所不解近日亂徒造謠謂外交困難損失權利不知友邦正義承認多數贊成有何困難損失乃公等聽信煽誘自起紛擾是不忠也始則輪議懸拳終則頓顛面目自食前言二三其德是不義也滇省擾亂中央豈能坐視塗炭生靈貽害地方是不仁也不逞之徒肆意挑釁本其慣技天討一伸此輩不過逃竄兩公玷及清白是不智也竊思公等熱誠愛國干城腹心夙以自勵今日之事實係受脅知者自當曲諒倘翻然悔悟另電聲明取消前電嚴懲首亂以蓋前愆則君子之過如日月之食朝廷方將寬其已往策其將來若執迷不悟則誤國誤滇殃及其身悔將何及惟公等圖之桂省上下知有國家知有地方以服從中央擁護君憲爲天職凡有擾亂誓與天下共擊之策厲戎行統戈待發屬在比鄰用再垂涕而言統望熟察立盼明示

廣東龍濟光等來電十二月二十九日

統率辦事處鑒宥電敬悉唐逆等甘心構亂破壞大局普天同憤敵處已通電各省請各聲罪致討茲將電稿錄呈文曰迭接唐繼堯任可澄蔡錫戴賊等先後通電反對國體藉詞倡亂言語狂悖亂象已成閩之曷勝髮

指查國體問題發生以來中外研究討論幾經時日由全國國民代表投票公決一致贊成始以決定即唐堯等初亦並無異詞乃於國基甫定外交就緒之時突馳逆謀倡為叛亂無論是否被脅抑係久蓄逆謀遂其居心陰險反復為虎作倀置大局危亡於不顧實為覆載所不容國人之公敵敵處頃已奉令壁畫出師聲討振旅待發仰乘廟算自不難指日盪平諸公體國公忠偉謀閱畫如何籌備並盼隨時賜教再正發電間接奉王將軍段巡按使閻將軍陸將軍王巡按使各電敵愾同仇曷勝欽服並此奉復云云乞查照濟光鳴岐觀為叩感印

濟南張樹元來電十二月二十九日

統率辦事處鈞鑒國體甫經解決忽聞蔡錫唐繼堯等電達中央反對君憲聆之令人髮指當此強鄰伺隙之際乃蔡錫等甘為逆首授人口實凡屬含生之輩誓不與共戴天伏望中央聲罪致討樹元不才願率所部作為前驅滅此朝食如蒙允許乞將本師派駐滬東及蘇省各隊伍集合一處俾命今朝頒三軍夕發枕戈臨電伏候鈞裁第五師師長張樹元叩勸印

上海楊善德盧永祥來電十二月二十九日

政事堂鈞鑒承准感電敬命之下憤慨同深此次變更國體乃係全國人民公意實因四年以來共和不適國情人民無所通融不得不謀長治久安之計琴瑟不調則改弦而更張之凡此經營無非全體人民自謀國家利益是以參政院建議於前國民代表議決於後萬方一致千里同符真正民意昭然若揭雲南雖遠在邊陲然同是圓顛方趾含生負氣之倫好惡豈能獨異前者該省人民并無異議今唐任等乃為少數奸人煽惑顛易初心逆電倡狂普天同憤天戈所指何難即日蕩平伏願我皇上獨斷乾綱聲罪致討毋使跳梁小醜顯戮久稽善德職在戎行惟知殺賊荷戈待命無任屏營惟善德等實有進者方今君憲政體雖已宣布而踐祚之期尙無明詔在皇上聖懷冲挹審慎周詳固亦無所容心而山僻愚民見聞寡陋大位一日不定人心一日不安伏乞明詔速頒大局幸甚請代奏楊善德盧永祥印

武昌王師長金鏡來電十二月二十九日

統率辦事處鈞鑒元首功隆德懋疊經各省國民傾心推戴並籲請早登大位以固國基言猶在耳斷無變更乃唐繼堯任可澄輩既已推戴於前又復阻撓於後反復無常害民誤國亟宜掃除梟獍藉安人心金鏡已擊備師旅枕戈待命擬祈代奏 大元帥睿鑒施行代理陸軍第二師師長王金鏡謹陳儉

西安陸將軍呂巡按使致雲南電

彌月以來反覆討論決定國體檢閱勳進通電麾下皇皇大著至再至三蔡公九月虞電提倡尤力傳之全國人所共見不意忽接濠電前後兩人自相矛盾意以為必奸人亂黨之所捏造麾下肝膽照人斷不出此夫國體解決國民之公意也國民厭共和久矣武漢以還暴民專制毀棄綱常背馳禮法餓隸富於猗頓伊顏化為桀紂上下無紀於斯而極父老隱憂商賈廢市是以旋有湖口之役痛定思痛想亦麾下所深知疾首痛心也夫我國民氣偷惰四維不張而猶墨守共和此謀飲鳩治疾削足適履適以自斃麾下達人當能自喻丁亥時驟得有強力政府以統一政令加以羣力審定憲法組織武人政治發奮圖強從前之國恥不難剷期昭雪暴以國民通電交馳推原始意無非為此麾下等且皆極力提倡足見公理所在人有同心而其時中央諄諄申爭堅不謂然乃請願之書風發泉湧我元首不得已俯順輿情事實俱在夫豈元首之本心當討論時期麾下若有片言隻字之商榷發揮政見中央亦斷不能稍事勉強而一再籲請延至今日事已露布萬難中止乃生違信血性丈夫固如是乎建章聞之背衆無與違時不祥麾下固皆識時量力之士乃甘為我首試問蕞爾一隅敢抗九土越臂當車事有厚幸自麾下中變以來全國憤懣將致命於滇建章等誼屬同袍竊恐兵禍一開人民塗炭滇南之父老何罪而閹牆之聲既成賁豚之禍立見彼時麾下尚有悔禍之餘地耶建章等志在保衛國土竊願本同舟共濟之心盡忠告善道之義敢掬血忱明白進言伏希三思利害言盡於此如其採納國之福也披瀝以告立盼猛省

張家口張懷芝致雲南電

聞漢電初意爲亂黨所託名及閱有電始知與蔡鐸戴諸逆圖謀不軌爾等亦太不自量矣此次改建國體出於全國人民之心理元首爲萬衆所推戴以救國救民爲己任不得已俯順輿情正所謂應天順人神器自有歸也不意爾等忽發逆謀覬覦非分何喪心病狂以至此極爾等如不贊成於討論國體之日儘可發抒意見以表異同乃國體未決之際極力贊成大位既定之時忽然反對則責爾等以反復無常背逆不道其何說以自解爾等既已推戴 今上則君臣之分已定亂臣賊子爲天下所共誅元惡首凶實國民之公敵爾等甘冒不韙之名得罪全國固屬死有餘辜獨不解首難發端是何居心竟置國家存亡於不顧我國當此危迫之秋救危圖存千鈞一髮何可自召外侮禍起蕭牆爾等身受國恩食毛踐土必欲使中國破壞滅生爲亡國之奴死作背叛之鬼試思於國何益於民何益於爾等之祖宗父母妻子又何益如爲亂黨所脅誘一時盲從應即幡然悔悟誅除叛逆以謝天下則悔罪自新或蒙赦宥倘其負隅自固冥頑不靈則各省之軍民共討倡逆之賊公憤所在噬臍何及特貢愚誠尙其自諒

太原閻錫山來電十二月二十九日

政事堂代行立法院鈞鑒承鈞堂感電轉奉上諭以唐繼堯等請取消帝制各長官有何意見陳述用備採納等因仰見聖德謙冲大公無我跪聆之下欽佩莫名錫山自聞漢事發生迭經驚恐 皇帝明發諭旨遣師討逆各在案查閱該逆等通電措詞狂悖實屬叛迹昭彰此次改定國體純以法定手續以正大之機關徵實確之民意全國一致不約而同兼之商學軍政各界事前諸願咸具決心事後慶祝共抒歡欣望治之情維殷歸命之心益切可知國民厭棄共和心同此理既有生命財產之所關即不能無救亡圖存之決計蓋中華民國之主權本於國民之全體載在約法中外咸知故國民主張君憲雖元首不能不勉從民意迨至萬姓擁戴實以大義我 皇帝猶謙德不居復經國民總代表再三籲懇乃始俯順輿情允主中夏雖欲談避無以自解唐繼堯等從前通電各省以非帝制不能救國爲言嗣復迭次勸進主張甚力今乃忽翻前議謀害國家該逆等叛謀昭著與雲南全體人民贊成君憲推戴聖主之意大相違反誣譏元首不忠反復無常不義擁兵

作亂陷害生民不仁去順效逆謀覆主國不智似此不忠不義不仁不智之徒於官爲叛於民爲匪總其通電之詞意全屬亂黨之行爲非受迫脅失其自由即與通謀甘爲禍首設該逆等意存割據暗借外援是自取身裂以速滅亡滇省人民竟陷於水深火熱之中後患何堪設想擬懇 皇帝乾綱獨斷褫革唐繼堯任可嚴蔡鐔等官職榮典宣示罪狀俾中外人等咸知該逆等不惟雲南之罪人實爲國民之公敵萬不能因二三黨臣致礙帝制一面仍乞迅派勁旅以蘇民困而遏亂萌不勝激切屏營之至擬乞鈞堂代表奏並乞貴院執行權代表之職權立即奏請早申天討國家幸甚同武將軍督理山西軍務閻錫山叩勅

南京馮國璋齊耀琳電十一月三十日

政事堂鑒君憲新國爲億兆之公論衆情迫切天鑒在茲我 皇上念切痼痲不得已而始允全國人民之請聖懷冲抑薄海同欽回溯國體未定之先如蔡鐔曾集合軍人首先簽字如唐繼堯任可澄曾通電各省表示贊成足徵心理之所同實合選邇而無間今者全國臣民瞻雲就日望治情殷而唐繼堯等反覆無常忽持異議其意以爲尙如共和時代之叫囂紛擾可以明日張膽爲所欲爲已由臣等嚴切電知曉以利害惟掃逆謀之叵測實由帝位之尙虛伏望 皇上早定丕基速登大寶以嚴天澤之分藉杜反側之心臣等逆料羣民擁護在前未必甘心附逆即唐繼堯等迭次來電亦恐出於少數逆黨脅迫之所爲或者仰仗天威消除羣愚未始非滇民之福如其執迷不悟甘犯不韙則在國家爲罪人在臣民爲公敵惟有仰懇銷去唐繼堯等官職命將出師以正天討臣等當整率所部恭候朝旨誓效前驅臨電無任惶悚待命之至謹乞代表馮國璋齊耀琳印

福州許巡按使李護軍使致雲南電

雲南唐將軍任巡按使鑒昨接兩公漾日通電即於省日電達一切計登記室未接復教不勝懸懸頃又接蔡鐔戴通電與兩公同一語氣貴省竟冒不韙動搖人局無任駭異此次決定國體推戴 皇帝非特各省區一致贊同即貴省亦初無異議兩公節次通電均可復按現在國是大定宣告中外國信攸備豈容作廢兩

公案明大義洞達時局何忍自肇禍亂貴省爲兩公桑梓之邦又何忍父老子弟同淪水火在貴省或以地方  
隳遠非中央威力所及獨不思天無私覆地無私載豈能以中國版圖視同化外以一隅之地而抗天下順運  
之理昭然強弱之勢懸絕兩公之明何致慮不及此或者亂黨從中煽惑脅迫兩公亦有難以自主之處世英  
厚基不忍坐視用致最後之忠告貴省軍隊均屬兩公部屬倘能毅然決定鎮以武力一面殲滅亂徒以圖自  
贖並通電中外以明心迹國家寬大必能相諒世英厚基亦當力任轉環否則甘心叛逆破壞大局是自絕於  
天下世英厚基爲國家安危計爲人民生命計惟有直抵滇兩以除公敵現已抹馬厲兵敬候朝命用布區區  
敬希諒察並候復音

長沙 湯壽潛來電 十二月二十日

皇帝陛下聖鑒奉統率辦事處感電轉奉上諭以唐繼堯等會迭勸進今忽反復命臣等據實陳述意見等因  
仰見我 皇帝殷憂國事俯採芻蕘恭誦再三莫名感服溯自辛亥改革以來我 皇帝獨當艱鉅宵旰  
焦勞挽既倒之狂瀾扶已傾之天柱俾四萬萬人民得以脫諸九幽重覩天日鴻慈普蔭天下歸仁當痛定思  
痛之時因有虛墜深淵之懼賦棄共和趨君憲決改國體共戴一尊我 皇帝盛德淵衷謙退未已賴人  
民數月之呼籲及總代表誠懇之請求天福吾國迺回淵鑒率土臣民鼓舞歡欣交相慶慰即就湘省而論自  
勸進奉允後各縣商民以開會慶賀見告者日必數起乃唐繼堯等喪心病狂公然謀反不惟昧君臣之大義  
實與全國爲仇讎凡有血氣莫不切齒痛心夫全國人民以自衛其身之故乃以天下累我 皇帝我  
皇帝以救國救民之故乃不惜以一身擔任天下人民具有天良決不忍斂手坐觀任其無禮於君父鷹鷂之  
衝具有同志我 皇帝雖欲曲與姑容亦不足平億兆人民之公憤至臣等忝任疆圉受恩深重既懷匹夫  
之責尤切致身之義主憂臣辱主辱臣死古訓昭然詎敢或昧况帝制改行全係根於民意一經公布便成鐵  
案唐任等倡議取消在箇人爲反復無常對國家爲亂臣賊子不與誅滅何以爲國伏讀本月十三日申令齊  
小僉王何代蔑有好亂之徒謀少數黨派之私權背全體國民之公意蓋國禍家人所共棄等因聖訓煌煌海

內同欽唐任等倡亂滇省實屬自外生成臣等疾彼兇逆日皆俱裂迭經明電唐任嚴加詰責天奪其魄必非口舌所能感悟伏乞 陛下即日將唐繼堯等罪狀宣布天下與衆共棄一面指揮將士大張撻伐臣等但知討賊他非所知現已秣馬厲兵敬俟後命小醜跳梁不難滅此朝食伏乞宸衷速斷訓示遵行臨電不勝迫切悚惶之至臣湯壽銘沈金鑑謹奏 鑒印

成都陳宦來電 十二月三十日

統率辦事處各部院除雲南省各省將軍巡按使徐州巡閱使承德歸化張家口都統福州貴陽寧夏上海護軍使并轉各鎮守使均鑒變更國體一事中央會通電各省一再徵求意見良以茲事體大不能不詢謀僉臆始議進行如果宗旨不合儘可於事前發抒意見指陳得失倘持論正大亦何難折服羣議迺滇省唐將軍任選接使事前一致贊同事後忽持異議自相矛盾淆亂聽聞宣於宥日去電切責其文曰准處電開頃接徐耀湖北電稱滇省通電各省請取消帝制等因殊爲駭愕敵處並未奉到尊處此電想係亂黨竊名捏發意圖煽亂吾國自共和以來人民飽受苦痛故此大對於國體一致主張改革冀立萬年不拔之基值此國體大定帝位有歸正宜相與竭誠擁護中央固我邦本豈可稍有異議致滋淆惑我公熱誠愛國素所佩仰當不出此請公電處聲明以明是非而彰公道至禱至叩並盼電復等語去後迄未得復不知因何稽延抑或別有阻礙尙望京內外寅懷念締造之艱難恤民生之顛沛捍彼外禍肇造新邦拱衛至尊匡扶危局一面通電滇省痛陳利害一面保持現狀嚴密防維倘有陰違亂謀違反民意者無論何地何人即應視爲公敵同聲致討竊惟知愛國不識其他負勢以待鵠候玉音至於川省軍民均甚安謐知念并聞陳宦謹叩 勸印

岳州曹錕來電 十二月三十日

參政院代行立法院政事堂統率辦事處各省除雲南將軍巡按使徐州巡閱使承德張家口歸化都統福州貴州上海護軍使均鑒竊以國體解決徵諸民意民意既同國體已定臣工胥悅中外騰歡何物蔡鐸敢猖獗亂擾我滇南豺狼成性破壞爲心凡我人民莫不痛恨寢皮食肉願得甘心春秋大義首重尊王况握兵符更

無旁貸錕奉令討賊警衆出師前隊已拔大軍繼進天心既順蕩平可期伏願羣公念切同仇指示方略跳梁小醜不使蔓延則人民幸甚大局幸甚臨電迫切無任待命之至曹錕叩暨印

清江浦劉詢來電十二月三十日

統率辦事處鈞鑒國體變更改爲君主立憲由各省總代表在京稟決一致贊成滇省唐繼堯任可澄既經贊同推戴於前至此何能忽萌異志通電取消似此逆跡昭著顯係附和亂黨違反民意陷國家於危險實爲全國人民之公敵應請鈞處布告全國整備師旅大伸征討以正其叛逆之罪第五旅全旅官兵聞電均異常憤懣願備前驅以張捷伐提旅荷戈敬俟後命除徑電切責外謹此電陳淮揚鎮守使第五旅旅長劉詢叩暨印  
貴陽劉顯世來電十二月三十日

統率辦事處鈞鑒沁電奉悉滇省通電列有世名據各省來電惟浙江一處不免誤會當已復電聲明世於倫日通電各省商籌辦法已將世對於滇事會密電鈞處及電滇勸告各情由詳細叙明各省自己了然謹復黔體軍使顯世叩暨二印

荊州石星川來電十二月三十日

統率辦事處鈞鑒共和流毒國人皆知改建君憲民意僉同唐繼堯任可澄等通電各省請廢帝制實屬有意構亂遺害國家殊堪痛恨查該逆等膽敢彰明通電蓄謀必久喪心病狂定難挽救且違背民意已成公敵再予優容尤形驕縱計惟命兵征伐以討不廷星川受恩深渥未報涓埃竊願秣馬勵兵以待調遣而圖報稱立候命令伏候鈞裁師長石星川叩暨

杭州屈巡按使致雲南電

前得唐將軍任巡按使漾電當經復電勸阻竭誠苦口未荷察悟續接蔡戴諸公電并悉近日復有自稱八省代表照會各國領事之舉益駭聞聽逆順之勢禍福之機前電所及言之詳矣現在君憲國體已成事實倡亂爲叛附從爲逆非但各省決無附亂之人即滇省士民亦豈能甘冒不韙貽禍桑梓孤立速敗情勢顯然特其

衆則贖寧之事已屬前車恃其遠則三桂之覆即其殷鑒諸公願欲挾蕞爾之衆抗舉國之師敢外侮之虞  
背全國之民意坐令滇民塗炭家族誅夷一逞之氣已衰萬世之罪莫贖不爲國計爲家計獨不爲滇計乎  
又之變或在蕭牆事後追思噬臍何及迄今革面猶有可圖并當代請中央懇從原減若遂執迷不悟則誅  
之命旦夕下頒問罪之師遠近畢至戎首所在舉國同仇映光惟當申戒疆圻枕戈以待敵愾之義不能復與  
諸公爲僚誼之周旋矣

開平范書田致雲南電

雲南唐將軍任巡按使均鑒近閱報紙喧傳貴將軍等有反對帝政之謠不禁駭怪查我國不適共和數年來  
已爲全國人民所飽嘗茲幸國人猛醒請願帝政立憲以奠國基正爲我僑所欣願乃現當大勢已定通國贊  
成而公等忽有異言非但見棄國人貽笑鄰邦而吾國現當風雨飄搖強鄰覬覦之秋凡屬國民宜如何同心  
戮力共救時艱以期國勢日興鞏固豈堪別生枝節自罹亡國滅種之慘想公等素明大義決不甘自貽伊戚  
也尙乞明察大勢熟權利害宣布決心以釋羣疑是所至禱竊榆鎮守使范書田勸

廣告

京張張綏鐵路展築京師環城鐵路開車廣告

環城鐵路鋪軌工程業經完竣於本年一月一日開車售票由正陽門至西直門中間經歷東便朝陽東直安  
定德勝等五門每日往返各五次鐘點列後

正陽門開

上午七點二十分  
上午十點五十分  
上午十二點三十分  
下午三點二十分  
下午七點十分改運石渣不掛客車

西直門到

上午八點零六分  
上午十點五十一分  
下午一點零六分  
下午四點零六分  
下午七點五十六分同上

西直門開

上午九點  
上午十一點二十五分  
上午十二點五十分  
下午一點五十分  
下午五點三十分改運石渣不掛客車

正陽門到

上午六點四十六分  
上午九點四十一分  
上午十二點三十一分  
下午二點三十一分  
下午六點十六分同上

教育部批示

十二月二十二日

據上海商務印書館稟閱悉所請准將以前審定各種共和教科書改正通用辦法尙屬可行俟籌備事竣後  
可以照此辦法通行我國無論君主民主意向取重民主義所改亦無多也此批

英商福公司河南北京天津漢口上海等行廣告

承辦各種探礦探鐵金鑽石鑽打鑿等事並代辦建設完全機器製造諸廠塢均可商訂賜顧者幸注意焉

大律師李焜墀廣告

本律師專以鞏固國法擁護人權勸強扶弱爲目的現已銷假仍代理北京各級法院民刑訴訟及一切法律  
行爲凡有諮詢事件請親至正陽門外延壽寺街羊肉胡同電話兩局第八百二十二號本事務所接洽可也

### ●本局廣告

逕啟者本局恭製 御璽需用大白玉六方有願出讓者祈於每日下午一鐘至五鐘至本局鑄造科接洽可也

### ●北京清華學校招考高等科插班生

本校高等科現分四級每學年遞升一級每年招考插班生一次今年在北京上海兩處招考各級插班生 額數 以八十名為度 年齡 自十六歲至十八歲者可考三四年級 資格 體質健全 國文程度 約在中國中學畢業 英文程度 至少須曾用英文教科書習過 讀本七冊或同等之讀本七冊此外須習過納氏文法四冊衛生學及初步地理初步化學初步代數等書如有習過高深學科者可報考高級凡於上列學科曾經 切實研究 者自 日起至三月三十一日止向 北京清華學校招考處 函索詳細招考章程並須附寄郵費一角空函不覆

北京清華學校招考處啟

### ●聲明作廢

張國政遺失政事堂第六十號徽章一枚聲明作廢

### ●通告中外商民人等

財政部為通告事查雲南省現有亂黨擁兵謀叛難保不乘時濫發軍用鈔票希圖獲利亟應預為宣布以華洋商民行使收用自貽後累為此登報通告華洋商民人等如果雲南省有亂黨發行軍用鈔票等物切勿行使新果收用將來中國政府不負責任勿謂言之不預也恐未週知特此通告